

水
南
集

三



水南集卷九

明德清陳 震聲伯著

歌行

二仙傳道圖

名山靈境多仙草藥斧花籃挈輕小坐談夕日契參同
交養元神驗梨棗青山不覺紅塵擾紅顏不信青春老
市中懸壺偶然出洞裏圍基未曾了未曾了世幾何吟
飛雙鶴渺無迹空山落葉秋風多

麥舟

吳江岸上麥正秋吳江橋下停行舟故人三喪尙淺塚
容顏慘淡懷窮愁舟中百斛我所收挈贈未論瓊與玖

空然歸去不少留
滿倉月色浮中流
浮中流棹歌起丈
夫例落魄意氣古
相許世閒元振安
得逢客路空亭幾
秋雨

嚴陵圖

山青青江泠泠片石高出秋雲崩
山風江月伴醉醒直
鉤寄我無何情羊裘有跡尋先生
帝腹有象勞客星歸來
山水不改清一絲實重九鼎輕
世間榮利真鉤餌往往持竿妄相擬
意不在山志不在水徵書物色來千里
喜動苔磯拂衣起濠梁魚樂且莫言
我自惟知鉤名耳

梅竹石圖

怪石山人厭塵俗居傍梅花間修竹空堂影沁碧雲寒

淡月香浮絳紗簇壽陽睡起春未消珊瑚薄膩胭脂嬌
背立東風悄無語環珮微動聲飄搖淒涼莫聽桓伊笛
愁入瀟湘重相憶九疑鳳去幾何年淚灑琅玕血猶濕
元獻西岡萬樹春蜀州一笑欲銷魂簫管誰寫東牆句
疑是羅浮夢裏人蔣家三徑今何處留取龍孫未飛去
隔窗煙霧掃不開鱗甲紛紛落紅雨孤山標格天下奇
渭川原是封侯姿千花萬蕊奚足數惟有丹心勁節可
與徂徠知

竹溪六逸圖

清溪洄流深且長老竹蔽日森而蒼人閒炎氣如鑊湯
枕簟有此冰雪鄉碧卣盛醴盆渴漿夏果新脆旗芽香

笑談從事筆墨場琴阮在御書盈箱一人袒裼居中央
烏紗半幅瑤簪光一人挾冊窺虞唐思窮萬象搜毫芒
整襟一人貌若揚塵頭洒洒霧雪霧坦懷一人手舉觴
目送孤鳥雲中翔一人拄頰推敲忙一人旁睨首獨昂
山林可樂世可忘脫遺勢利辭軒裳翰林風神疇比方
皎如明月來空堂孔君入海觀扶桑東隣煙霧迷蒼茫
座間韓裴陶與張各秉冲素能文章鴻冥千載不可望
豈知展卷來吾傍吁嗟魏季崇老莊戎濤籍秀伶咸康
竹林糟蘖慚流芳詎若茲會超尋常蹇予何幸歸林塘
手開篁經營梧崗平生冰炭不入腸俯眴一世真粃糠
輕綵無汙石屋涼颸免掃盡毫端霜解衣偃卧班竹床

四窗飛溜聲琅琅

百鳥朝王圖

陽烏騰翅扶桑東炎輪湧出如血紅乾坤上下普一照
萬國俱在文明中高崗瀨露滴成水翠光洗淨梧桐子
九苞靈鷩何處來五色鮮明炫金紫紛紛百鳥意盡降
異哉羽族知朝王氣機感召類相聚各効音弄成文章
畫眉蚤赴鴛鴦會鸚鵡能言鵠鵠慧黃鸝却美練鵲閑
白鶯還嫌鶯鶯睡山鷄照水錦紋裏竟日無魚憐翠鳥
螳螂在念黃雀貪花柳關情白頭老竊脂沙燕競相逐
幽野無如白鷗獨喧啾翕雜水陸旁只有鴉鳶向林宿
春朝小雨融芳泥細桃溼透紅臙脂分明一片錦色界

太平瑞物時來儀君家有鳳方雛小丹穴生成羽毛好
他年霄漢領鵠鸞未詫孤騫壓凡鳥

雪梅圖

幽人歲晚卧空谷布衾紙帳吟魂清床頭茶鼎工作祟
夜半忽作蒼蠅聲開門堵下三尺雪誰掃冰壑鋪瑤瓊
牆東老樹凍欲死頭角半露槎牙形孤山山下老逋魄
分與水月同平生何人移爾嚴冷地橫披重壓得我驚
逡巡皓鶴立不動辛苦翠羽噤不鳴風梳雨沐更何忍
參橫月落無緣憑憶昔西湖着詩屐暗香十里前來迎
先生洗眼認寒萼但有玉點侵雙睛踈密密巧妝綬
隱隱約約難分明歸來呼酒敵寒氣欲寫詩句竟未成

邇來放逐觸風雪破帽羸馬空山行昏鴉古木亦何限
但有窮苦縈心情山城荒落何所有伶仃野菊稀秋英
灞橋驢背不怕冷所少此物締詩盟君從何處得此幅
若有香味開狂醒令人覩此三嘆喟漫山桃李皆虛名
羅浮怪夢久不作藍關幻句誰能賡眼前苦境飽經歷
歲寒心事歸和羹

春雲欲雨圖

春雲欲雨春山黑百丈潛蛟起幽窟風雷爲作鼓舞態
松檜先呈欣喜色山中一雨未足多爲問欣喜將如何
田間焦壤苦龜兆車內渴鮒求餘波春雲好借爲霖手
天下蒼生正張口我聞沛澤貴博施抱甕無煩學窮叟

野人矮屋三重茅夜簷不厭聽嘈嘈已看生意足禾稼
更仰餘潤蘇蓬蒿穰穰樂歲歌君德不用東山起安石
春雲收歛寂若無龍氣還蒸萬山濕

邊鸞翎毛圖

蘋風獵獵蘋花冷淺碧回塘動秋影柳梢斜日作微晴
一片江鄉晚來景山禽照影特飛集三尺修翎雪光白
雄雌追逐臨天涯飲啄從知暫相得春鋤驚起飛且鳴
小鳥亦復啁啾聲青霄振羽向來志顧此池沼安留情
栖遲更有兩蒼鳥蒲葦中間欲終老淺灘竟日不逢魚
那得爲生羽毛好生來嚼字不療飢采薇長向西山西
一如禽鳥畫中格江湖安得成高棲還君此圖休嘆息

憂道從來鄙謀食持家尙有筆似椽醉裏書空對晴碧

異獸障

張揮使家物

曾聞西旅來神獒又聞角端能人嗥柱頭金鎖是何獸
毛衣綈惡風飄搖將軍拓矢夸猿臂胡馬埋藏虎深避
陰山有石誰不知沒羽銷金偶兒戲歸來天馬汗血紅
邊陲不動腥膻風龍韜豹畧壓蛇豕亦如此物居山中
太平有象兵戈廢赤鳳蒼麟迭稱瑞已聞西域請都護
又報龍川伏秦尉收藏猛類不復驅寶絲繫頸纓珠垂
夜寒仰首看山月小吼時復驚狐狸

題畫障

松頂瀉風竽瑟聲石澗溜泉蒼玉鳴不知何處有此境

遣我心地居然清平生雅有東山志立壑時時經夢寐
五更塵土上朝衣回首雲林渺空翠草堂三間青嶂隈
尋詩兩屐荒煙堆寄聲問訊讀書處惟有老鶴行蒼苔
畫圖對我應招隱却怪白雲棲不穩散襟晞髮坐者誰
背地無言似相哂老年終欲營菟裘歸我杖屨林泉游

殘書留取倚風讀破琴還合塞囊修塗雅膩墨潑詩句
坐借青山醒殘醉十年夢斷古槐根別有仙源外天地

蘆鴈行

銀塘八月秋雲冷一片澄光瀉天影枯蒲敗柳工作愁
相約斜陽狀煙景鵠鵠老去不復悲棹歌響處蓮舟歸
露荷冷落弭青蓋萬點清怨飄紅衣滌波盪石西風急

老鷺聯拳足難立滿天香雪撲釣篷只有蘆花弄江色
塞門紫映萬里秋草書一帶橫西樓寒聲共墮暮濛雨
孤影獨寄涼蟾洲江湖野意何人識夢裡瀟湘水苔碧
江楓漁火憶詩句風艇煙蓑滯羈客丈夫有志射四方
迴峯未用愁衡陽翩翩春燕亦何者老守門戶誇雕梁

瑞芝行

新安隱居有三芝之瑞寔爲前京兆汪君進之家世之祥西涯方石二先生皆

有詩勉
踵于後

黃山先生古道者晚坐詩窮類東野世鍾和氣表家瑞
墓產靈芝乃天假高堂方揭濃墨書奇事已達青雲衢
玉堂視草晝初永驪珠雨落宮壺餘先生志節夙高壯
歲晏秋崖凜相向論心每出俗士表持議嘗居古人上

茫茫天道知有無療飢豈必商巖徒坐令麟鳳不世見
三秀空附青山圖年來子姓庭堦秀古錦班爛繞春晝
瑞芝不老樽不空更挿山花上翁壽

畫梅行

三年不作西湖遊夜景一段梅花愁橋邊詩屐阻東郭
蓬底鶴夢閒浮丘山城見梅驚且喜逋老風神壓凡卉
暗香爲返水月魂萬點冰葩照清泚村籬斜月無吠羆
時有翠羽飛來雙酒消風冷不成夢戍樓長笛傳新腔
宮簾櫺燭開粧匣一片瓊英額前落東風吹散外舍寒
裁得春幡滿城郭書生擁鼻哦梅詩湯瓶助作秋蟲悲
坐看香影落屏障卧想曳杖孤山時窗明瓦漏聞飄屑

古漆琴絲凍將折玉龍骨顫皓鶴醒童子開門滿堦雪

御溝行都門餞別

御溝水含風細鱗起流脂漲膩香十里中有恩波浩無
涘春風送別溝上橋曉日杲杲波搖搖行人就木照衣
袂駐馬河邊攀柳條柳花日暮飛如雪溝水春深綠如
澑花沾離袖怨飄墮水出宮牆定嗚咽東流日夜無迴
期年光暗老人不知不如柳花飛舞落城裏明年依舊
河邊枝君不見濤江東望連滄渤仙源遙遙與溝接靈
槎付子期漫遊八月涼風浪花白

畫山水歌

遠山蒼茫疑有無近山重疊張畫圖山腰雲氣截欲斷

曉色映帶林煙孤須臾紅日曈曨出一道霞光迸天赤
煙消雲歛林影開但見青松露珠滴松頭老鶴戛戛鳴
松下華屋開雙局幽人睡起未梳洗碧窗研露披殘經
山空谷暗羣籟寂坐聽飛泉響蒼壁奔流赴壑成鉅谼
上有方橋渡行客木欄石岸橋之東粉牆桃柳羅青紅
深深院落隔人語黃鸝上樹呼春風門前有客來何早
白馬金鞍踏芳草野夫迎候禮節疏橫撫枯藜躡芒屩
山中習靜日月長琴樽與客時徜徉雨餘觀鷺下白水
飯後牽犢犁青岡開門坐閱行人過去馬來牛逐塵霧
誰道生平雙脚跟不識長安九門路君不見淮西山水
天下奇水南居士來尋詩每乘欸段代雙足更借手版

支雙頤迂蹠不了公家事退食潛來竹深處焚香渝茗
聊自哦深下門關謝胥吏五更且免馳東華黃紬被裏
常放衙夢中猿鶴記舊隱覺來身世驚長沙還君此畫
休歎息一口天涯混南北醉眼元龍百尺樓卧對江南
數峰雪

石泉茅屋歌

汴人趙尚書故隱

九衢黃霧撲馬鞍五更待漏朝靴寒口口金口萬人看
等是春夢迷邯鄲宴堂退食口口口老乞青山上應許
石泉一竇試春茗茅屋三間障秋雨水聲瀲瀲六月涼
亦有蘿月穿山房生憎尸祝擾畏壘自喜門徑符柴桑
功名回首事豈易剛道神仙在人世公行已久我晚歸

布襪青鞋獨來去

培心軒歌

丹田之上靈臺內有物方方曰心地乾坤生意藉爲主
天地精靈此維最小盈一掬大須彌歛藏充拓能神奇
自從堯舜到周孔往往培此爲根基陰私在內作茅塞
利害於人植荆棘理荒要使坦道通去蠹先須靖蟊賊
宋人揠苗良足嗤牛山有斧不可持孟軻寡欲乃要訣
顏氏復禮真吾師源頭活水潤枯槁穀種陽春發生好
青山綠樹開道境朱子喻道詩意霽月光風鼓庭草培心功力
君勿辭潤身效驗行自知清和着面德之發豐厚在背
非人爲吁嗟小夫錯用計天理削來無長處肺肝病痛